

AWEMainta

E DIFERENCIA DEN NOTICIA

SURPLUS FINANCIERO, PERO NADA DI AYUDO:

E BERDADERO MOTIBO TRAS DI PROBLEMANAN NA KPA Y KIA



E DEBATE RIBA BBO

3

**TA TEMPO PA UN SISTEMA
DI IMPUESTO MAS HUSTO?**

**GOBIERNO NOBO DI ARUBA
LO REBIBA E PROYECTONAN
PARALISA AKI?**

4

**CRECEMENTO ECONOMICO
TA SIGUI DEN E PROME TRES
KWARTAAL DI 2024**

2

M-Files
The Smarter Way to Work.



the Search!

Find and access content based on *what it is*, not where it is saved

- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

VCC
International NV

Surplus financiero, pero nada di ayudo:

E berdadero motibo tras di problemanan na KPA y KIA



E minister nobo di Husticia ta enfrenta un reto enorme: un cuerpo policial cu te cu 50% personal di menos y cu ta funciona diariamente bou di presion di trabou pisa. En bes di un refuerso di Korps Politie Aruba (KPA), e minister di Husticia saliente a faya pa añanan pa provee e cuerpo cu e recursonan necesario y refuerso. Door di esaki, un situacion a wordo crea unda cu oranan largo di trabou y oranan extra no t'e excepcion mas, sino e norma. Agentenan policial ta funciona bou di presion constante, y tur esaki door di e mal maneho di prioridadnan di e gobierno anterior.

Mientras tanto, e gobierno saliente ta gaba tur caminda cu un asina yama surplus financiero. Pero unda e placa ey tabata ora cu KPA tabatin mester urgentemente di agentenan nobo? Pakico no a inverti den refuerso y mehoracion di e cuerpo policial? E realidad duro ta cu mientras cu gobierno ta bati su mes riba pecho pa exitonan financiero, e agentenan policial ta agota y mester traha cu menos y menos recurso. Esaki no ta nada menos cu un bofta den cara di esnan cu diariamente ta proteha e seguridad di e pais.

Tambe na KIA (Korrection Instituut Aruba) frustracion grandi ta reina. Trahadonan ta puntra nan mes dicon nan nunca por a conta cu miho condicionnan di trabou, mehoracion n'e facilidadnan of mantencion necesario. Si di berdad tabatin un surplus di presupuesto, dicon esaki no a wordo uza pa modernisa e sistema penitenciario y mehora e condicionnan

di trabou di e personal? E escogencianan di e gobierno anterior a hiba na un crisis den aplicacion di ley, unda cu esnan cu diariamente ta haci e trabou pisa t'esnan cu mas ta sufri.

Loke ta haci e situacion mas doloroso ainda ta cu e minister di Husticia saliente mes tabata di e cuerpo y tabata director di KIA. Sinembargo, KPA y KIA no tabata riba su lista di prioridadnan. Polisnan y personal di KIA tabata spera riba reconocimiento, refuerso y un miho futuro, pero en bes di esey, nan ta sigui traha bou di presion extremo, sin perspectiva di solucionnan concreto.

Pa colmo, den un incidente recien, e agentenan policial den su totalidad a wordo condena den algun media y door di un parti di e pueblo. Pero hopi no ta realisa con grandi e presion ta riba cada agente individual, simplemente door di e mal maneho di gobierno di añanan largo. Sin suficiente personal y recurso, ta spera di nan cu nan duna prestacionnan maximo, mientras cu nan propio bienestar y seguridad apenas tabata un prioridad p'e gobierno saliente.

E minister nobo awor tin e tarea pa drecha e erornan aki. Inverti den mas agente policial, miho condicionnan di trabou y recursonan moderno no ta solamente necesario, pero un prioridad urgente. Ignora e problemanan aki no solamente lo mina KPA y KIA mas ainda, pero tambe lo pone e seguridad di henter e pais na peligro.